

Peperangan, cuaca bakal pengaruhi ekonomi global

PETALING JAYA – Rakyat perlu bersedia dengan sebarang kemungkinan dan melakukan persiapan demi mendepani tahun 2024 terutama berkaitan isu ekonomi global yang berpunca daripada peperangan dan ketidaktentuan cuaca.

Timbalan Dekan Sekolah Perniagaan dan Ekonomi Universiti Putra Malaysia (UPM), Prof. Madya Ts. Dr. Anuar Shah Bali Mahomed berkata, peperangan yang berterusan dan fenomena El Nino di peringkat global berpotensi untuk mempengaruhi kenaikan harga barangan khususnya bekalan makanan.

Selain itu, katanya, ketidaktentuan Ringgit Malaysia dan kebergantungan tinggi kepada import juga berpotensi menyebabkan ekonomi dunia mengalami tekanan berterusan.

“Perang antara Russia dan Ukraine telah berpanjangan lebih 650 hari. Rantau itu merupakan pembekal tenaga yang utama dan laluan perkapalan yang amat penting. Kita juga dapat lihat kesan daripada peperangan ini telah menyebabkan berlakunya krisis makanan



ANUAR SHAH

terutamanya gandum.

“Timur Tengah pula merupakan penyumbang utama bekalan minyak global dan ketidakstabilan di rantau tersebut berpotensi membawa kepada kenaikan harga minyak,” katanya.

Dr. Anuar, kesan peperangan antara Israel dan Palestin akan lebih jelas kelihatan melalui pertumbuhan ekonomi global pada suku keempat 2023 dan seterusnya pada tahun 2024.

Beliau berkata, negara juga perlu berhati-hati dengan fenomena El Nino yang berkeungkinan menyebabkan kemarau, jerebu dan gelombang haba yang boleh menjejaskan sektor makanan dan kesihatan.